



Համարը N 2122-Ն
Տիպը Որոշում
Սկզբնաղբյուրը ՀՀՊՏ 2005.12.28/81(453)
Հոդ. 1584

Ընդունող մարմինը ՀՀ կառավարություն
Ստորագրող մարմինը ՀՀ վարչապետ
Վավերացնող մարմինը ՀՀ Նախագահ
Ուժի մեջ մտնելու ամսաթիվը 07.01.2006

Տեսակը Ինկորպորացիա
Կարգավիճակը Գործում է
Ընդունման վայրը Երևան

Ընդունման ամսաթիվը 24.11.2005
Ստորագրման ամսաթիվը 10.12.2005
Վավերացման ամսաթիվը 17.12.2005
Ուժը կորցնելու ամսաթիվը

☒ Փոփոխողներ և ինկորպորացիաներ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՀՀ ՄՇԱԿԱԲՈՒՅՍԵՐԻ ՍԵՐՄԵՐԻ ՆԵՐՄՈՒԾՄԱՆ ԵՎ ՀՀ-ԻՑ ԴՐԱՆՑ ԱՐՏԱՀԱՆՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Վավերացնում էմ»
Հայաստանի Հանրապետության
Նախագահ Ռ. Քոչարյան
17 դեկտեմբերի 2005 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

24 նոյեմբերի 2005 թվականի N 2122-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՇԱԿԱԲՈՒՅՍԵՐԻ ՍԵՐՄԵՐԻ ՆԵՐՄՈՒԾՄԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԴՐԱՆՑ ԱՐՏԱՀԱՆՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Համաձայն «Սերմերի մասին» Հայաստանի Հանրապետության օրենքի 11-րդ հոդվածի 2-րդ մասի՝ Հայաստանի Հանրապետության կառավարությունը **որոշում է.**

1. Հաստատել Հայաստանի Հանրապետություն մշակաբույսերի սերմերի ներմուծման և Հայաստանի Հանրապետությունից դրանց արտահանման կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության
վարչապետ**

Ա. Մարգարյան

2005 թ. դեկտեմբերի 10
Երևան

Հավելված
ՀՀ կառավարության 2005 թվականի
նոյեմբերի 24-ի N 2122-Ն որոշման

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՇԱԿԱԲՈՒՅՍԵՐԻ ՍԵՐՄԵՐԻ ՆԵՐՄՈՒԾՄԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ԴՐԱՆՑ ԱՐՏԱՀԱՆՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

- 1. Սույն կարգով սահմանվում է Հայաստանի Հանրապետություն մշակաբույսերի սերմերի ներմուծման և Հայաստանի Հանրապետությունից դրանց արտահանման կարգը:
- 2. Հայաստանի Հանրապետություն մշակաբույսերի սերմեր ներմուծող և Հայաստանի Հանրապետությունից դրանք արտահանող իրավաբանական և ֆիզիկական անձինք Հայաստանի Հանրապետության օրենսդրությամբ սահմանված կարգով՝ լիազորված մարմնի կողմից հաշվառվում են հավաստագրված սերմեր արտադրողների, ներկրողների և արտահանողների հաշվառման գրանցամատյանում:
- 3. Սույն կարգի դրույթները չեն տարածվում գիտահետազոտական աշխատանքների, սորտափորձարկումների և անձնական կարիքների համար Հայաստանի Հանրապետություն ներմուծվող և Հայաստանի Հանրապետությունից արտահանվող մշակաբույսերի սերմերի վրա:
- 4. Անձնական կարիքների համար մշակաբույսերի սերմեր կարող են Հայաստանի Հանրապետություն ներմուծվել և Հայաստանի Հանրապետությունից արտահանվել՝ գիտահետազոտական աշխատանքների և սորտափորձարկումների համար Հայաստանի Հանրապետություն ներմուծվող և Հայաստանի Հանրապետությունից արտահանվող մշակաբույսերի սերմերի առավելագույն քանակներին համապատասխան:

II. ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ՄՇԱԿԱԲՈՒՅՍԵՐԻ ՍԵՐՄԵՐԻ ՆԵՐՄՈՒԾՈՒՄԸ

- 5. *(5-րդ կետն ուժը կորցրել է 29.12.11 N 1876-Ն)*
- 6. Հայաստանի Հանրապետություն ներմուծվում են դրոշմված (կնքված) և պիտակավորված փաթեթներով (տարաներով) սերմերը:
- 7. Հայաստանի Հանրապետություն ներմուծվող մշակաբույսերի սերմերի յուրաքանչյուր խմբաքանակ ուղեկցվում է արտահանող երկրի իրավասու կազմակերպության կողմից տրված հետևյալ փաստաթղթերով՝
 - ա) մշակաբույսերի սերմերի սորտային պատկանելության և որակական ցուցանիշների հավաստագրեր,
 - բ) ներմուծման բուսասանիտարական հավաստագիր:
- 8. Մշակաբույսերի սերմերի խմբաքանակը ներմուծման սահմանակետում ենթարկվում է բուսասանիտարական ստուգման՝ Հայաստանի Հանրապետության օրենսդրությամբ սահմանված կարգով:

III. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՔՍԱՅԻՆ ՍԱՀՄԱՆՈՎ ՄՇԱԿԱԲՈՒՅՍԵՐԻ ՍԵՐՄԵՐԻ ԽՄԲԱՔԱՆԱԿԻ ԲԱՅԹՈՂՈՒՄԻՑ ՀԵՏՈ ՎԵՐՋՆԱԿԱՆ ՆՇԱՆԱԿՄԱՆ ՎԱՅՐՈՒՄ ԴՐԱ ՍՏՈՒԳՄԱՆ ԿԱՐԳԸ

- 9. Վերջնական նշանակման վայր հասնելուց հետո մշակաբույսերի սերմերի խմբաքանակն անմիջապես բեռնաթափվում է և բաժանվում առանձին մշակաբույսերի սերմերի խմբաքանակների, ստուգվում է դրանց առանձին փաթեթների պիտակների վրա նշված հերթական համարի համապատասխանությունը հավաստագրում (կամ հավաստագրերում) նշված հերթական համարներին:
- 10. Փոխադրման ընթացքում վնասված, ոչ ճիշտ պիտակավորված, չկնքված փաթեթներն առանձնացվում են: Դրանցում պարունակվող մշակաբույսերի սերմերը Հայաստանի Հանրապետության տարածքում շուկայահանման ենթակա չեն:
- 11. Հայաստանի Հանրապետություն ներկրված մշակաբույսերի սերմերի խմբաքանակից վերցվում է նմուշ՝ լաբորատոր փորձաքննության և ստուգիչ տեղամասերում ցանքի նպատակով:
- 12. Մշակաբույսերի սերմերի խմբաքանակից նմուշառումը կատարվում է Հայաստանի Հանրապետության օրենսդրությամբ սահմանված կարգով:

IV. ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՑ ՄՇԱԿԱԲՈՒՅՍԵՐԻ ՍԵՐՄԵՐԻ ԱՐՏԱՀԱՆՄԱՆ ԿԱՐԳԸ

- 13. Հայաստանի Հանրապետությունից արտահանվում են Հայաստանի Հանրապետության կառավարության կողմից սահմանված կարգով հավաստագրված մշակաբույսերի սերմերի խմբաքանակները:
- 14. Հայաստանի Հանրապետությունից արտահանվող մշակաբույսերի սերմերի յուրաքանչյուր խմբաքանակ

ուղեկցվում է հետևյալ փաստաթղթերով՝

ա) մշակաբույսերի սերմերի հավաստագիր,

բ) բուսասանիտարական հավաստագիր:

15. Հայաստանի Հանրապետությունից արտահանվող մշակաբույսերի սերմերի խմբաքանակի համար բուսասանիտարական հավաստագիր տրվում է Հայաստանի Հանրապետության օրենսդրությամբ սահմանված կարգով:

(Հավելվածը փոփ. 29.12.11 N 1876-Ն)

Հայաստանի Հանրապետության
կառավարության աշխատակազմի
ղեկավար-նախարար

Մ. Թովուզյան